

宣統二年三月二十日

庚戌

南洋官報

第八十六期

諭旨恭錄

京朝法政

憲政編查館 會奏遵議考驗外官畫一辦法並續增章程摺 ● 資政院 奏敬陳速記學堂開辦情形摺

兩江奏牘

督部堂張 札甯藩司准郵傳部咨農工商部會奏核覆前協辦大學士戴鴻慈奏興利實邊一摺欽奉 諭旨文(附原奏) ● 又札巡警局據金陵木釐局詳請撥給江東司擬募巡丁經費請示一案文 ● 又札江甯調查局准修訂法律館咨派委許令同莘調查江蘇民商各律民事習慣並請行司局協助辦理文 ● 又札江甯調查局准郵傳部咨照式造送宣統元年船政表文 ● 又批蘇藩司詳復蘇屬調查戶口情形並將未覆之縣銜名開摺請示又詳常熟縣申復調查戶口情形可否從寬免予示懲由 ● 又批蘇學司詳遵選資政院碩學通儒一案請示遵由(錄原詳) ● 又批兩江禁烟公所詳復海門禁煙情形並請洋土藥一律照章辦理理由(錄原詳) ● 又批溧水縣稟現遭大水低區淹沒圩工毀壞請籌辦賑撫動撥積穀平糶情形由 ● 又批度支部郎中薛光錡稟赴英游學回國照章呈請服務并乞免扣資俸由 ● 又批泰州拔貢生俞煥藻等稟請飭府州勸諭富民出糶嚴禁奸商居奇由 ● 又批安東縣附生朱鴻昇等稟選舉非人公懇遵章扣除由 ● 又批蕭縣民人杜

基昌稟人命久懸乞飭府親提以雪沉寃由●又批徽州府詳休甯縣士民吳國溶等控張革命奎漢虐政情形一案調卷取供據實覆陳由●又批安徽青陽縣職婦涂張氏稟蘇紳錫第賄官霸佔祖業懇恩昭雪由●甯藩司樊 移督辦海屬賑務洪道行查海屬工賑情形文●熊京卿希齡致甯屬清理財政監理官函●甯屬清理財政局 詳請督憲電札飭屬趨辦預算分表并照章懲處逾限文●又批泰壩監掣官申覆奉札飭發表式凡例擬請開列程式遵辦由●江南財政總局 詳督憲遵批核議山陽縣撥款辦糶文●又批邳州商民梁振黃稟請帖由●又批泰州申復查辦牙帖捐爲難及擬變通辦理情形由●裕甯官銀錢局 稟復督憲豫算案照部頒冊式酌擬辦法文●兩江禁煙公所 詳督憲裁撤本所差遣稽查官及撤換庶務科副並行各員知照文●又批溧水縣游令稟請札委徐牧炯會辦溧邑禁煙事宜擬章請示由●江南籌辦地方自治總局 札寶應縣查辦自治研究所盧壽熾等同爭位置一案文

## 附譯件雜記

譯巴黎時報西二月二十六號論說（爲達賴喇嘛潛遁事）

王慕陶

## 藝文存略

寒食寒甚●清明後一日作●兪園看櫻花●石甫書雲端州龍母廟木棉盛開古榕間之直以紅綠爲天地愛其發語奇麗以詩寫之●再寄石甫

茶 人

諭旨恭錄

三月十二日

監國攝政王鈐章奉

上諭湖南巡撫岑春煊已有旨開缺派楊文鼎暫行署理楊文鼎著迅赴署任毋稍延緩欽此

上諭陳夔龍奏舉劾屬員一摺直隸清苑縣知縣黃國瑄天津縣知縣胡商彝署吳橋縣知縣南宮縣知縣呂調元南和縣知縣姒錫章故城縣知縣姜宗泰既據該督臚陳政績均著傳旨嘉獎宣化縣知縣江宗瀚任差苛罰物議沸騰遷安縣知縣劉道春縱容家丁不孚輿論候補通判李松材相驗草率民受拖累署樂亭縣知縣候補知縣趙巽年廢弛捕務不治輿情候補知縣姚和羹操守不謹奉差舞弊均著卽行革職東鹿縣知縣馮宗岱才具竭蹶難膺民社著以府經歷縣丞降補候補知縣石泰明調驗癮癖私帶煙具昌黎縣教諭黃樹榮嗜好難除不知自愛均著革職永不叙用餘著照所議辦理該衙門知道欽此

上諭聯魁奏特參戒煙不力各員請旨嚴懲一摺新疆候補通判朱士澄著新平縣知縣候補知縣胡桂齡候補知縣李瑞禾候補從九惠敏著伊犁鎮標甯遠營中軍左哨把總儘先守備周學祥署伊犁鎮標中營左旗右哨把總儘先千總張得勝署伊犁鎮標左營右旗左哨把總儘先千總朱得名均屬煙癮甚深戒除不力著一併革職永不叙用又片奏糾劾庸劣各員等語奇臺縣知縣楊方熾

措置乖方幾釀重案鄒善縣知縣尋選馭下不嚴控案纍纍均著開缺另補阜康縣典史熊仲禹行同市井有玷官箴著卽行革職餘著照所議辦理該衙門知道欽此 軍機大臣署名

十五日

監國攝政王鈐章奉

上諭前因京師雨澤稀少當經派肅親王善耆前詣 大高殿恭代拈香並派貝勒載潤等分詣 時應宮等處拈香虔誠祈禱仰荷 昊蒼默佑連日得沛甘霖朕心實深寅感允宜敬謹報謝用答 天庥本月十七日仍派肅親王善耆敬謹前詣 大高殿恭代拈香 時應宮仍派貝勒載潤 昭顯廟仍派貝子溥倫 宣仁廟仍派貝子銜鎮國將軍載振 凝和廟仍派鎮國公溥佑同於是日分詣拈香行禮報謝仍冀頻邀 鴻貺甘澍應時以慰農望欽此 軍機大臣署名

十七日

監國攝政王鈐章奉

上諭河南巡撫吳重熹著開缺另候簡用欽此

上諭河南巡撫著寶棻調補迅赴新任毋庸來京陛見欽此

上諭江蘇巡撫著程德全調補迅速來京陛見未到任以前著陸鍾琦暫行護理欽此

軍機大臣署名

# 京朝法政

憲政編查館 會奏遵議考驗外官畫一辦法並續增章程摺

奏爲遵議考驗外官畫一辦法並續增章程恭摺覆陳仰祈 聖鑒事竊照學部於上年十一月二十九日議覆升任山東巡撫袁樹勛奏法政學堂通籌畫一辦法一摺內稱正途人員及曾任重要差使者未必盡有法政知識該升撫所慮趨易避難無人肯投身學問之途自係實在情形唯考驗外官章程事隸憲政編查館及吏部應將該升撫原奏鈔送該衙門酌核辦理等語奉 旨依議欽此欽遵並准該部將原奏覆奏咨行前來查臣等前次奏定切實考驗外官章程六條原分考試考驗兩項辦法正途出身及曾任要差各員統歸考驗餘則通行考試歷經各省遵辦並陸續咨報到館臣等詳加考核以各省辦法未能畫一曾於上年七月間加訂章程三條內有法政知識宜設法推廣一節係採取湖南法政官校附設自修科辦法除應入學堂各員仍分別入學肄業外其餘正途出身及現任有要差暨考試列入一二等人員均須領取法政學堂講義自行研究遇有疑義隨時函詢學堂答復每屆一學期將所圈閱講義及研究心得作爲筆記並送學堂核驗如有曠廢玩棄情事由督撫分別記過以示懲儆此項講義由學堂擇必要學科編纂發給以三學期爲畢業等語當經通行各省遵照在案該升撫所謂趨易避難無人肯投身學問之途一節自可無慮現在湖北江西河南三省已定有發行校外講義章程大致與湖南自修科辦法相似而尤以河南爲較詳備其餘各省當再由臣館咨令查照前後奏咨章程切實推行

以期增進智能俾宏造就竊維法政一科雖重問學尤貴經驗經驗既富自能措置裕如總在各該督撫察吏嚴明實心考驗卽其政之或舉或廢以見其人之才絀才優懲勸一秉大公官吏咸諳法理庶幾地方行政日起有功矣所有遵議考驗外官畫一辦法及續增章程各緣由理合恭摺覆陳伏乞 皇上聖鑒訓示再此摺係憲政編查館主稿會同吏部辦理合併聲明謹 奏宣統二年三月初三日奉 旨已錄

資政院 奏敬陳速記學堂開辦情形摺

奏爲敬陳速記學堂開辦情形恭摺仰祈 聖鑒事竊臣前於宣統元年十二月二十五日奏籌設速記學堂擬定章程繕單具陳一摺同日奉 旨著依議欽此當經臣督同在事各員照章籌辦並通咨

各省一律遵行在案查原定章程速記學堂學生分臣院招取及各省咨送二項其由臣院招取學生經臣於本月十三日借用學部考院分門考試如額取錄惟此次投考人數至二百餘名之多而錄取定額僅十二名未免過隘因於正額外酌設附取備取各十二名其附取各生准令一律入學備取各生聽候出缺傳補以廣造就而資應用其各省咨送學生計奉天順直江蘇安徽江西浙江湖北湖南山東河南山西等省先後經各該省督撫咨送到院者已有四十餘名擬將此項學生及臣院招取各生併爲第一班擇於本月二十五日先行開辦督飭各科教員按照課程認真講授其餘邊遠省分一時未能到齊者仍隨時由臣院咨催該省督撫迅速咨送以便續行開班所有奏報速記學堂開辦情形謹恭摺具陳伏

皇上海鑾鑾 奏宣統二年二月二十四日奉 旨已錄

督部堂張 札甯藩司准郵傳部咨農工商部會奏核覆前協辦大學士戴鴻慈奏興利實邊一摺

欽奉 諭旨文 (附原奏)

札行事宣統二年二月十四日准郵傳部咨參議廳法制科案呈本部於宣統二年正月二十七日與農工商部會奏核覆前協辦大學士戴鴻慈奏興利實邊一摺軍機大臣欽奉 諭旨著各該衙門隨時會商東三省督撫妥籌辦理欽此欽遵相應刷印原奏咨行欽遵查照可也附刷奏一件等因到本部堂准此合就抄單札行札司即便移行遵照勿違此札

奏為遵 旨會商具奏恭摺仰祈 聖鑒事軍機大臣字寄宣統元年七月十六日奉 上諭法

部尚書戴鴻慈奏興利實邊以圖富強而資保衛等語著度支部農工商部郵傳部錫良程德全陳昭常周樹模按照所陳各節體察情形會商妥籌具奏原摺均著抄給閱看欽此遵 旨寄信前來原奏內稱東三省今日補救之方一曰墾植宜取泰西小農地大農地之說變通而並行之一曰森林宜設森林局遴員督理勸諭紳商興辦林業公司將來財力稍裕推及於興學開礦鐵路兵屯各等語誠為實邊興利之要圖當經臣等咨商東三省督撫旋准東三省總督臣錫良奉天吉林黑龍江巡撫臣程德全陳昭常周樹模先後咨會到部奉天省議辦蒙荒與辦官荒不同蒙民憚於耕鑿習與性成力田之勞不敵其芻豢之逸惟昌圖長春兩府暨所屬州縣尚有本旗蒙民從事隴畝餘如近邊哈喇沁土



默待以及賓圖博爾達爾罕南廓爾羅斯等旗風氣稍開亦知耕作現擬就各旗已放未墾地段飭屬嚴催有開出一半者雖升科屆限尙可寬緩有歷久未墾者雖曾經開放撤出另招其有自地自墾財力不及之戶查明情形商之銀號貸給資本酌定息款現在察哈新甸荒片放竣已派往設安墾局專事招徠督課耕耘如此辦理不難徐臻繁庶若欲急覩實邊之效綜計殖民經費一年移民萬人需銀一百二十餘萬兩較之俄人每歲移民二十萬人僅及二十分之一而所費已屬不支勢非籌墊鉅款不可至所屬森林面積約七萬五千餘方里迭飭該管官實力保護並立補植之方獎勵之法其森林學堂則選送高等小學生授以專科宣統四年畢業即可作造林之用其種樹公所則採購樹苗樹籽闢地試驗成活不少約計數年即可作鐵道枕木本年復飭各屬農事會將森林利益及造林方法編成白話張貼演說曉諭農民惟保衛邊圉墾植較森林爲尤要而籌辦亦尤難不獨經費無著且慮交通阻絕東省錦齊鐵路實貫穿十旗之中心此路若成則實邊之舉事半功倍此奉天省籌議之情形也吉林省議由東邊蜂蜜山一帶大段生荒設法招墾上年五月間密陳辦法派員分至內地廣招農民每班百人來時助以路費并與郵傳部商免輪船鐵路半價至則每名給地四晌或五晌并酌助廬舍籽種牛馬等費此即隱符小農地之說比年以來遠招南洋僑商內地紳富來吉領墾如琿春務本公司及吉林銀行兼辦實業公司亦以移民招墾爲宗旨業經派員會同三姓依蘭等處周歷履勘議有辦事規則此即隱符大農地之說餘如廓爾羅斯前旗蒙荒已定有分年收價章程臨江大通各

議有辦事規則此即隱符大農地之說餘如廓爾羅斯前旗蒙荒已定有分年收價章程臨江大通各州縣開放之荒或仿昔年成案或係因地制宜綜計數年來所辦荒務雖未報竣要皆放有成數森林之富東南則蒙江樺甸延吉琿春等處東北則附近東清鐵路地方以及吉林府屬之土山五常廳屬四台川類皆彌望青蒼民間祇知採伐不加培植擬令劃出森林區域採擇護養查明銷場運道繪圖貼說詳定章程報部并咨各省督撫勸諭紳商來東興辦以拓利源此吉林省籌議之情形也黑龍江省議上年奏定邊墾章程每响減收經費四錢限期墾闢改定獎章均係設法招徠若取小農地之說各屬蒙民除原係業農者不計外餘多久安游牧不慣耕作惟上年就甘井子地方由官籌款派員招墾學田現計招到農民二百餘戶墾地百數十响已著成效一面擬集公司仿通海墾牧公司之例借彼財力拓我邊荒以隱符大農地辦法溯查康熙十三年定例凡士民墾地三十頃至百頃以上通文藝者與以知縣縣丞守備等官又展升科之年以勸之擬奏請實行斯例並參照奏定邊墾章程辦理至火車等費應將京漢京奉車價分別減免以恤墾戶林業之利興安嶺一帶樹木蒼蔚其溝渠之旁復排植適宜樹木其大片森林則註明域分割入官荒並令各屬分別查勘勸諭紳商興辦林業公司總計墾荒造林非先殖民不爲功尤非推廣交通不爲力前議籌修錦愛鐵路中間江省甘齊一帶既營煤礦復便墾荒實中權扼要之地又要在趕修大枝鐵路推廣國家銀行大興松黑航業開鑿沿邊塗徑此黑龍江省籌議之情形也農工商部查農林爲天地自然之利富國裕民動關至計而在東省尤爲要圖數年以來迭經三省訂定墾植章程造報指放各荒組織墾務公司誠欲藉內地移殖之策

爲邊境抵禦之方惟設法以廣招徠必使民樂於平易或蠲免荒價或貸給籽種或展限升科或酌予獎勵亟應因地制宜力求實效一洗從前巨戶攬荒之弊是以臣部於本年三月間奏定推廣農林章程斟酌情形咨行各省分別辦理與原奏所稱變通小農地大農地之意相符森林一項光緒三十一年曾派員前往長白山一帶調查本年復奏明振興林業辦法將所轄境內適於造林區域與固有天產森林限期詳查繪圖咨報誠以林業關係重要非調查無從著手原奏所謂入手辦法應先周歷履勘墾地利辨土宜挈提綱領莫要於此茲就三省督撫咨復情形統籌互計核與原奏所稱各節有已辦而頗著成效者有現辦而尙擬變通者有未辦而亟待振興者地利之興衰關於政策之張弛獨是東甯與內省不同蒙民與平民尤異處榛蕪邊遠之區值生計艱難之會民習於玩地廣而荒加以他族逼處掣肘良多竭蹶之情形辦理實難於昔日然事機逾迫則補救愈殷誠如原奏所謂不急籌備則後此之措置將窮臣等惟有內外合力先其所急於三省墾植森林二事查照原奏悉心籌畫隨時奏明辦理其推廣國家銀行展限升科各節度支部查墾殖邊荒勢先灌輸資本銀行爲貨財樞紐自應及時推廣助以維持奉天長春等處分銀行業經由臣部先後奏設應再由臣等飭銀行監督極力推廣以便流通至臣部奏定各種銀行則例內殖業銀行本准官商集股開設若由地方官設法招徠利之所在勢必爭趨於殖業前途尤多裨益又開墾升科向以墾地之已否成熟爲斷並非悉按一定

年限東三省邊境擬設墾殖局能逐新開墾利順正自無窮以不宜規於近利政與墾勸之政有所方擬應

請嗣後無論土著客戶及公司等凡報墾者一律由該督等體察情形分別奏明寬予升科年限用資

請嗣後無論土著客戶及公司等凡報墾者一律由該督等體察情形分別奏明寬予升科年限用資提倡其修築鐵路減免火車輪船價目各節郵傳部查由煙赴營及由津赴營船價前已奏准減半核收惟從前專就往來烟台天津營口而言現擬量力通融凡東三省派員招民之處如在輪路交通各地當飭其一律減收半價惟人數既多易滋弊混非嚴定限制難期核實經臣部咨商東三省督撫議定該省派員在某省招民先期咨請部發執照由招移委員報明確數稟由該省督撫轉給一面電部飭局查驗放行其移民時期約以正月至四月爲度每年由該省暨移民本省各督撫商定預先兩個月咨部核辦仍將所用之執照彙齊送部查驗以杜冒濫一切詳細章程容與該省督撫另行訂定其有未盡事宜應由臣部與該省督撫隨時商酌核辦又原奏內廣鐵路以利交通等語臣部於光緒三十三年七月十三日曾將籌畫全國軌線奏明上年閏二月十八日臣部奏應辦要政按年籌備單內又將分年敷設全國鐵路奏明各在案當由臣部體察情形隨時奏明辦理所有臣等遵旨會商緣由謹恭摺具陳伏乞 皇上聖鑒訓示再此摺係農工商部主稿會同度支部郵傳部東三省總督奉天巡撫吉林巡撫黑龍江巡撫辦理因往返咨商是以具覆稍遲合併陳明謹 奏

督部堂張 札巡警局據金陵木釐局詳請撥給江東司擬募巡丁經費請示一案文

札飭事據金陵木釐局詳稱竊據署江東司巡檢何其昌稟稱竊奉巡警局札以木業董事暨畢業生等稟請籌款推廣上新河巡警一節飭查所擬籌款各節有無窒礙等因當經巡檢復稟此案以該董所擬

各節諸多未便斷難照辦惟上新河地方五方雜處竊案層見疊出以及江灘一帶木植時有偷竊青皮革兵毆打滋事幾於辦不勝辦懲不勝懲兼之青紅幫出沒靡常時在木灘草篷聚賭如果一無防衛尤恐釀成事端與其補救於事後不若預防於事前巡檢有地方之責斷難坐視不得已擬募巡兵八名輪流梭巡遇有毆打之事隨時彈壓庶幾地方稍可安靜惟計巡兵丁食油燭等項每月需銀三四十兩之譜地方一時未能籌措前經稟請巡警局憲咨商可否在於木釐開款項下撥銀二十兩其餘再由地方紳董籌補等情蒙批該鎮擬募巡士以保治安甚屬妥善惟請咨商暫撥木釐款項仰仍稟候木釐局酌核示遵等因巡檢才具疏庸勉承斯乏茲為地方起見可否仰懇每月俯賜撥銀二十兩以資防衛俾地方得以安謐等情前來伏查木釐局向無開款無從撥給惟該巡檢所請擬募巡兵輪流梭巡係為防衛地方起見木釐設局該處為經徵銀錢重地不得不竭力維持以保治安除批候詳請核示外相應具文詳請所有此項經費應否在於木釐平餘項下每月動放湘平銀二十兩之處伏候示遵等情到本部堂據此除批詳悉查定章鄉鎮巡警本應逐漸籌設上新河地方設有木釐捐局地關緊要本在應行推廣之列惟籌款為難只能撙節從事來詳轉據江東司巡檢何其昌稟請酌募巡兵八名議於木釐平餘項下撥銀二十兩濟用其小敷之款由紳董籌補等情係為保衛地方起見為費無多應准照辦惟此項巡兵與異日鄉鎮巡警之基礎應由巡警總局檄委該巡檢兼理斯事選募諸習警律之巡士擬定規則認

印發外合行札飭札到該局即便遵照辦理毋違

督部堂張 札江甯調查局准修訂法律館咨派委許令同莘調查江蘇民商各律民事習慣並請  
行司局協助辦理文

札行事宣統二年二月十一日准修訂法律館咨查本館於光緒三十三年奏定辦事章程第十二條內  
開館中修訂各律凡各省習慣有應實地調查者得隨時派員前往詳查又三十四年奏定諮議官章程  
第四條內開各省提法使按察使兼充法律官諮議官於各項法律事件應札飭各州縣詳查報告第六  
條內開諮議官於法律館所派調查員有當協助調查之件應隨時接洽辦理又調查員章程第六條內  
開調查員於應行調查之件如爲力所不及者得隨時商請諮議官協助辦理各等因在案所有本館編  
訂民商各律遵照籌備立憲期限本年須一律告成而民事習慣視商事尤爲複雜非派員分省調查無  
以悉俗尙而資考証現派本館纂修揀選知縣許同莘前往江蘇按照館中所發問題詳細調查隨時報  
告需費由館發給除俟員奏後再行分咨外相應咨行貴督查照卽請行司並調查局協助辦理俾免扞  
格事關憲政望切施行等因到本部堂准此除行甯蘇兩藩司暨蘇臬司及蘇調查局外合就札行札到  
該局即便遵照俟許令到日協助辦理勿違

督部堂張 札江甯調查局准郵傳部咨照式造送宣統元年船政表文

札行事宣統二年二月十一日准郵傳部咨統計處案呈本部遵 旨辦理統計關係重要業將船政

南洋五日官報  
應辦光緒三十三年三十四年各表頒發表式暨填表總例分別咨札通行在案查統計一事務宜廣續  
舉辦用資年鑑所有宣統元年船政統計應卽尅期辦理以免積壓延誤之弊其應填表式卽按照前次  
所造各表及本部前頒填表總例一律辦理毋庸再行頒發如表中所列款目間有應行增減之處仍按  
填表總例第六條不妨酌量增減以期完備相應咨行查照迅飭各該管官及各地地方官將宣統元年船  
政應辦各表趕卽填造呈由咨送過部以憑辦理可也等因到本部堂准此查昨據該局造送光緒三十  
三四兩年官輪商輪統計表已咨送郵傳部查核在案准咨前因所有宣統元年船政統計表應由局移  
行各署局按照前頒表式總例逐細填造送由該局復核彙案詳咨以歸劃一合就札行札到該局卽便  
遵照辦理毋違

督部堂張

批蘇藩司詳復蘇屬調查戶口情形並將未覆之縣銜名開摺請示又詳常熟縣申復

調查戶口情形可否從寬免予示懲由

兩詳均悉查核摺開蘇屬太湖二十九廳州縣及另詳常熟縣申復調查戶口分割區段並預籌經費尙  
屬切實應飭趕緊調查清楚依限造冊詳咨其川沙金壇金山嘉定等四廳縣既據該司摺稱辦理苟簡  
復文亦未按照前札指飭事理逐一聲叙應令將遵辦情形再行詳細稟復至昭文寶山崇明三縣屢催  
不復實屬玩視憲政應各予記大過一次由司註冊以示薄懲一面催令趕將籌辦情形限五日內稟由

該司復核詳辦常熟縣係令迴瀾既已復到並如詳勉予置議卽卽通行遵照辦理暨候蘇撫部院批示  
繳另詳黏發

該司復核詳辦常熟縣係令迴瀾既已復到並如詳勉予置議仰即通行遵照辦理暨候蘇撫部院批示繳另詳黏發

督部堂張 批蘇學司詳遵選資政院碩學通儒一案請示遵由 (錄原詳)

據詳已悉仰候蘇撫部院核示遵行錄報繳  
詳報事竊於二月初九日奉撫憲札飭以第二年第三屆籌備憲政成績奏報之期已迫飭就單開主管事項限文到十日內詳細報院以憑彙核奏咨並蒙單開第一條頒布資政院章程舉行該院選舉旁註云保送碩學通儒又第二條頒布簡易識字課本創設廳州縣簡易識字學塾旁註云各廳州縣應於上年一律設立由學司將辦理成績查明彙報各等因到司自應依限分別遵辦查保送碩學通儒一項宣統元年十一月二十一日奉護撫憲陸札准學部咨行資政院原章八條並部定保送簡明辦法十條抄粘飭司遵照辦理當以資政院具上議院之規模選舉議員為開會之先聲事體宏大亟應博采慎舉以期名實相副奉經勒限飛飭各屬將合格人員開冊申送如無亦即具復去後事踰兩月或據稱無人合格或尚未具文中報僅據元和縣申送曹編修元弼胡主事玉縉年籍清冊暨曹編修所著書籍四種隨文送請核辦前來學司查曹編修元弼吳縣進士以在籍分部郎中奉前撫憲陳奏呈所著禮經校釋一書賞給今職其於經訓掌故靡不探討而三禮之學尤為專門多闡大義微言期於扶世翼教至其孝友恂恂亦屬學行同貫胡部郎玉縉元和舉人由教諭保經濟特科考用知縣奉學部調用累官今職湛深經術通達時事均應如申詳報以備採擇此外經學司詳加甄探查有翰



南洋三日官報  
林院侍講葉昌熾長洲進士昔年供職詞曹見其淹貫羣籍遂於史學旋任甘肅學政提倡實學宗旨純正回籍後泊然寡營足式囂競實爲士林所宗仰所箸語石十卷業已刊行堪以隨文詳送前江浦縣教諭陳慶年丹徒優貢生博綜羣籍洞明蘊奧所學確有心得推論治術切而不迂前在湖湘辦理學堂多所匡正近年就聘金陵江楚編譯書籍精思偉識卓越時流亦應一併據實具報除將單開簡易識字學塾另文具詳暨葉侍講書籍一種曹編修書籍四種就近詳請撫憲鑒核如蒙俯賜采擇所有各員著述徵取未盡者容再訪求補呈外所有遵選資政院碩學通儒緣由理合具文詳請伏候憲台鑒核批示祇遵

督部堂張 批兩江禁烟公所詳復海門禁煙情形並請洋土藥一律照章辦理由 (錄原詳)  
據詳已悉繳

詳覆事案奉憲台批海門梁丞孝熊稟奉飭辦理禁煙情形並請洋藥土藥一律按牌照捐章程辦理請賜示遵由奉批據陳禁煙爲難雖係實在情形然洋土在未開印封以前照約不應過問所請不分洋土藥一律照牌照捐章程辦理其中有無窒碍應如何安定方法期於禁煙可收實效仍與條約不相觸背仰禁煙公所詳議辦法復候核奪仍候撫部院批示繳稟抄發又奉撫憲批同前由奉批仰兩江禁煙公所核飭遵辦仍候督部堂批示繳等因奉此查牌照捐每膏一兩捐錢六十文每土一兩捐錢四十文均係遵照部章捐自吸戶本無分別洋土本土字樣即收捐辦法由吸戶零星照捐即由各土膏店經收彙繳是所捐者皆係零土自與未開印封者迥乎不同前因此項捐款由財政局詳請

錢四十分均係遵照部章捐自吸戶本無分別洋土本土字樣即收捐辦法由吸戶零星照捐即由各土膏店經收彙繳是所捐者皆係零土自與未開印封者迥乎不同前因此項捐款由財政局詳請職所札發章程飭即遵辦外理合具文詳復仰祈憲台鑒核爲此備由具呈伏乞照詳施行

督部堂張

批溧水縣稟現遭大水低區淹沒圩工毀壞請籌辦賑撫動撥積穀平糶情形由

該縣修築各圩舉辦工賑復遭大雨水漲淹沒損壞饑民嗷嗷待哺矜憫實深旣擬於春賑之外再加義賑並將賑務公所購備穀石及諭飭各董動撥城鄉積穀一律開辦平糶以恤窮黎應即會督各紳妥爲辦理一面將損壞圩埂設法修復仍將辦理情形詳細稟報察核仰蘇藩司轉飭遵照並候撫部院批示

督部堂張

批度支部郎中薛光鈞稟赴英游學回國照章呈請服務并乞免扣資俸由

據稟已悉該員游學英國專治高等算學兼習理工科論理算術因奉學部電准回國擬在原派省分當差以盡義務具徵關懷桑梓熱心教育殊堪嘉尚仰甯學司斟酌情形於甯省學務事宜量加位置照會該員認真辦理并詳由本部堂分別奏咨免扣資俸以示體恤而符定章此批稟抄發

督部堂張

批泰州拔貢生俞煥藻等稟請飭府州勸諭富民出糶嚴禁奸商居奇由

邇來米價昂貴各處皆然在奸商富戶囤積居奇固所不免而年歲歉收穀米缺乏亦係實情本部堂念切民瘼正在昕夕籌辦茲據稟各情自係爲預籌民食保全治安起見前據該署州趙令稟報官紳捐貲

設廠施粥並資遣外來飢民具見心存康濟必能先事籌維應由該署牧確切訪查固不准奸戶囤積居奇亦不准棍徒藉端滋事一面查明該州存倉穀石究有若干應如何酌平市價迅速妥爲辦理稟復察奪除逕行泰州外仰甯藩司迅飭遵照稟抄發

督部堂張 批安東縣附生朱鴻昇等稟選舉非人公懇遵章扣除由

查閱抄黏朱際雲前因聲名平常不准充董諮議會案內又復除名停其復選此等人格何得舉充教育會副會長兼充高等小學監督并充師範傳習所校長據稟該生惡劣營私把持武斷各情如果屬實何能勝縣視學之任仰甯學司轉飭淮安府確切查明據實稟復秉公核辦至朱士翹是否吸食洋煙併飭該府查復辦理此批稟黏均抄發

督部堂張 批蕭縣民人杜基昌稟人命久懸乞飭府親提以雪沉冤由

此案會據臬司呈報以前獲之陳小麻一犯供情不確已批府飭縣取保另緝正兇並飭將指控之陳二順務獲實訊辦理嗣據該民人稟稱陳二順已經拏獲復受胡董賄囑實放又經批司飭縣查復各在案茲復據稟前情查火器傷人情罪頗重何能據疑似之供詞妄入人罪更何能徇屍親之刁告羅織無辜所有陳小麻既經由司批飭保釋可無論已究竟陳二順果否被獲係何供招有無賄縱應由縣趕緊查明具復一面嚴緝正犯務獲究報毋稍違延致滋藉口除逕行蘇臬司外仰徐州府飛飭蕭縣遵照毋違

切切稟抄發

陳由

據詳已悉此案既經該府查訊吳國溶等上控各節或介在疑似或無從查考惟張革命奎漢迭署休甯祁門各縣非惟不得民心抑且叢怨積謗是其平日居官行事有乖職守自可概見既經叅革應否免予再議仰安藩司核明詳復飭遵仍候撫部院批示繳

督部堂張

批安徽青陽縣職婦涂張氏稟蘇紳錫第賄官霸佔祖業懇恩昭雪由

此案前據池州府詳以該氏恃婦刁控氏夫涂神扶不能約束均屬非是應請所控立案不行仍飭涂神扶將該氏嚴加約束倘再出頭多事定惟氏夫是問至唆訟之黃錫庚即黃俊並請斥革監禁等情當經如詳批准在案乃該氏不知悔悟輒敢來轅戀瀆實屬藐玩已極本應押發嚴懲姑從寬免此稟立案不行仍仰安臬司轉飭池州府縣遵照前批辦理稟抄發

甯藩司樊

移督辦海屬賑務洪道行查海屬工賑情形文

移詢事奉督憲札據洪道稟海屬工賑情形請示祇遵由奉批薔薇河既由陳牧測量現在諒已測畢應即會同妥商辦法另稟飭遵其高橋五龍閘家萬公等河及札下鎮賢官亭兩處决口工程既已估竣高流鎮堤工刻下諒已勘估明確准予擇要興辦海屬即將冬賑餘款撥用贛汰兩縣各就捐款動支均令招集災民工作以工代賑務期事歸實濟款不虛糜仍將辦理情形詳細稟報旋准紙電許紳回海即與

會商各工情形所見大致相同當即分別諭董承辦藍令勇於任事已先將沐境萬公河暨札下鎮賢官亭兩堤工布置妥定擇於二月初十日開工復估沐境之高流堤工及贛境之閔家河工亦均預備開辦惟州境之高橋河係受羽山來源河形徑直旁無汊河分洩水道不敢冒險興修五龍河議未就緒除將開辦之工另造冊報外謹先電陳又准蒸電高橋河道情形前於紙電陳明連日與紳董磋商僉謂該河淤塞已久急宜興修惟天時陰雨難以預計議以多集人夫分段并舉從速竣事若中途山水驟注亦即停工以收得尺得寸之效等語職道詳細籌度若修此河亦惟有變通辦理以符以工代賑之意倘遇水漲停工擬懇恩准將已辦工程按照丈尺核實報銷以重公款而順輿情五龍河工正在籌畫開辦候示祇遵又准有電薔薇河爲州境衆水匯歸入海一大幹河上接靖伊湖下通臨洪海匯縣長百餘里河身淤墊山水暴注宣洩不及泛濫民田欲除水患首宜修濬此河蒙督憲委陳牧來海測量河道遂商請先測薔薇河以昭慎重迨陳牧測畢估定稟奉督憲佳電批開陳牧測河既竣所擬辦法既屬精審應由該道等飭令所調河員悉心體察會同紳董妥籌辦理等因遵飭悉心體察濬河必先治水治水首重築壩築壩尤須採辦正雜料物該河面寬闊數丈十數丈不等壩工須用柴草甚夥去歲葦蕩被淹柴草失收現在柴價每石一千三四百文購辦爲難值此春潮漲汛之時潮汐上泛水頭每高至丈餘守壩尤爲不易復詳詢河員土人僉謂桃汛將至時已不及須俟秋後潮汛既平新柴已上築壩守壩兩得其便方可

與此工作若用挖泥機船新法辦理仍恐難派請陳河務之員來海監工乃有把握各等因奉准此本司於河務一道情形本不遑備何敢妄添未詳第參互考詳述水文電有索解不律者細電高橋來海不山

於河務一道情形本不遠滄何敢妄議參互考訂迭次文電有案解不得者細電高橋來滄亦  
河形徑直旁無汊河分洩水道不敢冒險興修並五龍議未就緒一節查高橋河道形勢必先明白調查  
然後切實勘估未有工程定而攷形勢者所稱冒險指暫時而言抑指永遠而言電語亦未詳盡既屬未  
可冒險何以與尙待計畫之五龍前稟已有各工估竣擇要興辦等語高橋五龍等河既未興修所稱開  
辦之工另册稟報豈尙有較急於高橋五龍者以符擇要之名義此紙電與原稟首尾不相應不可解者  
一也蒸電高橋河道急宜興修計惟多集人夫分段并舉倘遇水漲停工擬懇將已辦工程按照丈尺核  
實報銷並五龍正在籌辦一節查紙電方以高橋一河知難而退語言未了又將急促從事並水來停辦  
核銷其已做之丈尺銷雖核實其如驗收之員問諸水濱無從措手何此宗旨之不定蒸電又與紙電歧  
異不可解者二也有電薔薇河爲州境衆滙入海一大幹河首宜修濬測畢估定奉批籌辦必先築壩購  
料去歲柴草失收現在桃汛將屆緩至秋後興此工作若用挖泥機船新法懇派諳練河務之員來海監  
工一節查築壩購料待時而動乃治河家第一要義治薔薇河然治高橋等河何獨不然此等總機關一  
若直至今日見到也者故發蒸電時尙有將高橋河工從速搶辦得尺得寸之言再取法有新舊之分用  
時無彼此之別時爲舊法所不取而強迫新法以呈功似非人情此有電之思想又不與蒸電吻合不可  
解者三也高橋五龍等河既艱且鉅矣而借官款以治營田民灶交界之界圩河豈界圩河另有辦法不  
必取天時不必資物力耶不可解者四也海州停辦河工如果因時制宜則贛沐必是敷衍之局贛沐開

辦河工如果勇於任事則海州難免游移之誤貴道表率三屬通籌全局此中孰得孰失必能明是非而定可否本司不厭反復討論問道於已經以收折衷一是之益再如春賑用款各辦各事自屬各行其是但多寡懸殊有不無濫遺之議者贛榆用款五萬八千餘串比較冬賑五萬二千五百六串計多五千餘串增出一成沐陽用款七萬七千餘串比較冬賑五萬九千五百八十六串計多一萬七千餘串增出三成海州用款二十二萬餘串比較冬賑八萬六千五百三十八串計多十三萬餘串增出十五成以上並查正月諫電海州冬振用銀四萬六七千兩春賑富在九萬兩左右現需二十二萬餘串比較諫電又多五萬餘串海贛沐同一春賑同一有聞賑歸來之戶即使交春以來海州災黎迫切情形甚於贛沐應賑數目亦覺相去逕庭萬一贛沐議論海州之過濫海州議論贛沐之有遺本司忝爲監司又將何術以憑攷核貴道到海已久酌盈劑虛此中自有權衡倘蒙核示其所以然使知此非濫而彼無遺者實所欣幸至春急兩賑同時並舉並遵憲諭嚴剔春賑戶口將移作急賑之兩萬串仍在春賑內扣抵一轉移間所以嘉惠災黎者其效速見惟何等戶口應放春賑不歸急賑何等戶口應歸急賑不放春賑又何等戶口春急並放並急賑較春賑爲時早幾日爲數多幾文辨等次而示區別頗不容易本司願聞其詳益以欽佩義紳之舉動以上河工賑春急賑兩大端本司爲磋磨起見用特縷晰移詢爲此合移請煩貴道查照見復並轉飭施署牧一體遵照明白稟候核奪望切施行

熊京卿希命改甯屬清理財政監理官函  
久未通候時念爲勞去冬因病請假回滬就醫本擬便道金陵一聯雅教乃因賤恙未痊假期又滿遂無

勿航海而北矣邇維起居康勝爲頌無量茲有啟者頃見二月二十六日時報載有甯屬財政局移江南  
財政局文內有放裕甯官銀錢局劃撥熊秉三用款規合湘平銀三千九百七十四兩一錢六分九釐二  
毫七絲五忽一節閱之不勝詫異弟前在南京當差午帥所飭令經手之款如三十四年之湖南銅礦股  
分湘平銀一萬兩由幕府沈冕士手中交付一代黃忠浩鎮軍收領有收條在案十二月底一南洋印刷  
局之經費銀一萬兩由財政局撥交一一千兩係十二月十五日撥九千兩係十二月十六日撥一均有  
公文存卷宣統元年之湖南磁業學堂津貼銀三千兩一二月分由財政局鄭會辦代領有公文存卷一  
皆弟所經手承領者此外并無一款惟尙有午帥託令轉交之項爲東洋譯書費一千兩一此數記憶不  
清似在三十二年分一譯書人有回信已呈午帥閱看一此函尙存滬寓一又楊京卿度爲大同中央日  
報公電午帥補助午帥囑弟復電允助二千金其款另由北京孫某轉交不經弟手以上各節確鑿有據  
并無所謂規平四千兩之用款亦從無向裕甯官銀號交涉之事一僅有南洋印刷廠初議商辦由南京  
入官股係弟在裕甯號領兌後亦概交金仍珠矣一今如時報所載謂爲弟之用款殊屬荒謬午帥向不  
看帳恐係官銀號與財政局壽張爲幻應乞我公查詢該官銀號有無名目及領字收據此款出自何人  
所發在何時日均請澈底清查務令水落石出弟素於銀錢經手必清必晰無名之費從所未有去年臨  
行時蘇撫陳伯帥贖以千元再辭不肯不得已而受之嗣伯帥病故其家屬轉付公帳爲弟所聞函告莘



帥并將款如數付還此匡觀察所深知也原稿呈乞察覽并乞復示爲荷

甯屬清理財政局 詳請督憲電札飭屬趨辦預算分表并照章懲處逾限文

詳請事竊查清理財政章程第十四條內開文武大小衙門局所自宣統二年起預算次年出入款項編

造清冊於二月內送清理財政局彙編全省預算報告冊呈由督撫於五月內咨送到部嗣奉度支部函

開以預算表式本部現在編訂其各省文武衙門局所暨府廳州縣試辦預算分表表式卽由各省清理

財政局訂定頒發勒限造送由局遵照部頒表式訂成總表送部奉經本局暫訂表式凡例詳咨通行遵

照本年二月十四日准監理官交到度支部清理財政處函寄奏陳試辦預算大概情形摺片並刊頒試

辦宣統三年預算總冊式附比較表式各一本正在排印間又於二十三日奉憲台轉發前項冊表等件

下局奉准此伏查試辦預算一案本局對於各處應行查取之件有二一爲分表一爲分冊查分表一項

久經本局訂式通行查取現在定限已屆逾限處分本有部章可循亦何必過事深求惟江甯地處南洋

政務殷繁兩淮鹽務跨越數省款目複雜十倍他省若不從嚴勒限深恐延誤要政茲經本司等與監理

官公同會商本局前頒各署局應填送宣統三年預算分表應按部章以二月底爲限其逾限日期卽以

三月初一日起扣逾限一個月者記大過一次兩個月者記大過兩次三個月者卽由本局分別稟請撤

參以促進行抑本局更有請者各局所總辦而外或更有坐辦提調及承辦委員則逾限之咎未便獨責

總辦而寬於其餘且總辦或職掌較繁或更兼他務若坐辦提調則事有專司承辦委員尤責無旁貸更

當酌擬加重以儆延玩擬請各局所逾限處分除總辦仍按普通章程無庸更定外如坐辦提調查備不

當酌擬加重以儆延玩擬請各局所逾限處分除總辦仍按普通章程無庸更定外如坐辦提調查備不力承辦委員有意遲延以致逾限一月者坐辦提調記大過二次承辦委員記大過三次逾限二月坐辦提調記大過三次承辦委員撤差逾限三月一律詳請參撤本局所以鯁鯁過慮者特因預算初基非此無以速進行之效且冀各局所共勉其難兼程併進仍不外罰以止罰之意惟各處程途不一其離省寫遠之徐州海州暨隔省之鄂湘西皖各督銷局正陽五河鹽釐及皖南茶釐局等處應仍一律加展十日以三月十一日起扣以上懲罰章程係專就本局前次所頒分表而言至現奉大部飭取分冊係於二月十四日到局刻甫排印齊全分別發行自不能一例相繩惟同屬預算要件彙轉亦不容稽遲擬請於文到十日內辦齊飛送到局以憑彙轉倘有逾延卽照前議分表章程懲處至本局承辦人員應由本司等隨時從嚴督促查照原定辦事章程第四章第十四條分別認真辦理再前陳各節應俟奉准始能通行擬乞憲台俯念本局彙辦預算限促事繁所有各處應送預算分表先由憲台分賜電札飭催並令飭屬一體趨辦送局俾益迅速是否有當理合錄呈處所清摺備文詳請仰祈憲台鑒核通催一面批示俾資遵守深爲公便除詳撫憲外爲此備由具詳伏乞照詳施行須至詳者

甯屬清理財政局 批泰壩監掣官申覆奉札飭發表式凡例擬請開列程式遵辦由

查試辦預算一案先由本局擬式通頒飭取表摺續奉部頒總冊式附比較表式又經本局排印通行各處遵照預算出入數目應遵總冊例言內第十五條以前三年收支實數爲標準酌量估填更應遵正表

式就三十四年或宣統元年兩年中酌定一年以爲比較註明增減數目該衙門款目無多照填甚易何至奉文日久未能參悟殊不可解案關預算要政逾限卽干嚴譴據申前情姑再發表三張仰卽查收漏夜分別趕填連同分冊一樣兩本星馳送局以憑彙辦毋再藉延干咎此批餘及又申併悉

江南財政總局 詳督憲遵批核議山陽縣撥款辦糶文

詳請事據賑務處提調案呈本年正月十四日奉憲台批前署山陽縣陳令稟據民人施得雲等稟請酌撥積穀以資糊口據情轉乞恩施由奉批山陽被水尙未成災本不在應賑之列且平糶款項非賑款可比亦未便准予散放惟當青黃不接之際貧民粒食維艱不無可憫或酌量撥款採購米石湊同倉穀舉辦平糶事竣將價繳還似亦體恤窮黎之道仰江南財政局會同甯藩司核明酌辦具復飭遵仍飭新任恩令會商紳董籌捐辦理稟報察核並候撫部院提部堂批示繳等因奉此查財政局未據該前縣併稟無憑會同核示奉批前因遵卽札飭該縣查案抄錄稟稿送局會核去後茲據現任山陽縣恩令厚稟奉憲台札案奉督憲批前署縣陳令稟據民人施得雲等稟請酌撥積穀以資餬口據情轉乞恩施由奉批山陽被水尙未成災本不在應賑之列且平糶款項非賑項可比亦未便准予散放惟當青黃不接之際貧民粒食維艱不無可憫或酌量撥款採購米石湊同倉穀舉辦平糶事竣將價繳還似亦體恤窮黎之道仰江南財政局會同甯藩司核明酌辦具復飭遵仍飭新任恩令會商紳董籌捐辦理稟報察核並候

無部院是部堂批示散等因查本局未據該前縣並稟無憑會同核辦飭卽遵照查明此案抄錄送局以憑會核等因到縣奉此仰見憲台體恤貧民無微不至伏查上年山陽境內因雨多水漲泰安世美等鄉

無部究是部堂批示等因查本局未據該前縣並稟無憑會同該辦飭即遵照查明此案抄錄送局以憑會核等因到縣奉此仰見憲台體恤貧民無微不至伏查上年山邑境內因雨多水漲秦安世美等鄉地勢低窪圩岸間被沖沒以致秋收歉薄民情困苦經陳令查明極貧次貧戶口先後稟請酌撥米石款項接濟在案知縣抵任體察民情並查上年收成情形誠如憲批不惟不常賑撫且不必平糶無如陳令並不稟明請示先將貧民戶口調查造冊許以請款風聲所播逃荒者聞風而歸在家者引領而望迨奉批飭而若輩望賑之心已牢結於胸而不可破本年開正以來各鄉難民扶老携幼成羣結黨相率進城環求賑撫或請積穀雖經知縣切實開導尙不致滋生事端而日日踞擾亦屬不勝其累知縣竊謂博施濟衆堯舜猶難况值此庫款支絀豈可濫予賑務反長刁風惟上年被水之區圩岸多被沖壞春作將興不能不爲未雨綢繆之計秦安等鄉歲歲歉收實由於圩岸不修故一經天雨卽宛在水中人事之不盡非關於天時之失和也現據附貢生程安慶廩生吳濟川聯名稟稱竊生等業田坐落分山河鎮同義豐泰圩內北濱潯河上承洪澤湖尾閘東南跨白馬湖以達高寶全賴此圩爲保障自光緒十年陳朝選等接畝出費請示修築在案迄今未修加以伏汛暴漲沿圩坍塌幾與太平等圩同成澤國若不乘春修築賦命何堪茲特邀同各業公勘圩身三千餘丈應修兩千餘丈無論官民及菴廟會產一律攤認惟閩邑坍塌之圩計十餘處綿長數十里若不通力合作一處缺口全功盡棄環請籌款示諭等情當卽邀集各鄉董會議僉稱上年圩岸沖決被水各區民情委屬困苦值此青黃不接之時更屬嗷嗷待哺若能趁此天晴農隙修築圩岸以工代賑救目前貧民之亟爲一勞永逸之舉事屬兩全惟是工繁費鉅按畝出費

不敷甚多山邑積穀僅止九百餘石錢款卽絲毫無存此外又無別項公款可籌可否轉乞憲恩於賑款項下酌撥銀三四千兩以補經費之不足地方幸甚災民感甚知縣察核該紳董等所議均係實情惟難民在城紛擾知縣祇有安慰之一法陳令前車之鑒未敢先行一字提及請款如蒙俯允再由知縣剴切曉諭並飭公正紳董將各鄉應修圩岸切實勘估逐段修築另行開摺稟呈仍俟事竣核實報銷決不任其稍涉虛糜稟祈核示並抄呈陳令先後稟稿前來並准本司衙門移據山陽縣稟上年五六月間雨水過多農田被水淹沒飢民嗷嗷請發積穀以資糊口等情一案到司除批振務處事宜已由貴局主政核辦批府飭候抄稟移請察奪飭遵外合亟抄稟移局核辦飭遵又准提學司交到該縣恩令呈送摺略內開竊山邑上年歉收泰安世美等鄉圩岸被水冲决當將小民困苦情形由陳前令稟請撥發平糶米石以資接濟奉藩憲批飭山陽不惟不當賑撫並不必平糶將陳令詳記三大過嗣以貧民紛紛具稟請撥積穀又經陳令通稟迄未奉批知縣抵任節據鄉民扶老携幼來城環求賑撫並一再至府縣請撥積穀查山邑積穀僅止九百餘石卽使全數動撥亦屬無濟于事照上年收成而論誠如藩憲批示不但不當賑撫且不必平糶惟陳令先查極貧次貧戶口許以爲民請命于是逃荒者聞風而歸在家者引領而望一奉駁斥貧民祇知賑撫之命不知陳令而因此記過也日內鄉民陸續進城求撫雖經府縣切實開導尙不至滋生事端而值此青黃不接之時來日方長察看民情委係困苦可否請憲台回省時于藩憲前

將目前難民求賑詳情各予一提款不論多少酌撥若干由知縣會同紳董體察情形卽以圩岸冲决各

尙不至滋生事端而值此青黃不接之時來日方長察看民情委係困苦可否請憲台回省時于藩憲前

將目前難民求賑詳情略予一提及不論多少酌撥若干由知縣會同紳董體察情形即以圩岸冲決各

略均悉候據情詳請撥款辦糶另札飭遵在案本司局伏查此案前據該前署縣陳令稟因該縣被水破  
圩農田失收請辦平糶計時四閱月之久撥米一萬四千石之多較諸安阜等處災情較重者需款尤鉅  
未免調查失當率行濫請是以批斥不准詳記大過三次示儆在案茲既飭據現任該縣恩令稟稱查明  
被水之後圩堤失修民情困苦值此青黃不濟來日方長惟有請撥官款若干並按畝勸捐修築圩堤以  
工代賑等語查沿河各州縣圩堤大半年久失修如欲處處借資公款補助興築財力實有未逮且該縣  
僅稱應修者二千餘丈按畝出費不敷甚多並不約計工程需款若干畝捐作何辦法若再令其展轉估  
議遷延時日轉於民食緩不濟急應請遵照憲諭酌量撥款採購米石湊同倉穀舉辦平糶事竣將價繳  
還庶於體恤窮黎之中仍收款不虛糜之效本司局妥籌會議擬在江北賑款項下籌撥曹平銀五千兩  
發交該縣收領就近採購米石連同倉穀九百餘石妥爲平糶其使用折耗章程由該縣調查安阜兩邑  
取其可法者參酌情形辦理事竣核實造報務使實惠均沾以仰副憲台軫恤民艱之至意理合將遵批  
核議山陽縣撥款辦糶緣由詳請憲台鑒核批示祇遵實爲公便爲此備由另册呈乞照驗施行

江南財政總局 批邳州商民梁振黃稟請帖由

查所請斗秤陸陳三項行目核與四等捐則尙屬相符惟所指西鄉葺山社梁家口河鎮行址過爲夾雜  
難保不意存跨越所請先行給示礙難照准應即遵批指實確切地名另稟核奪銀結一併發還

江南財政總局 批泰州申復查辦牙帖捐爲難及擬變通辦理情形由

據中已悉查該州牙帖捐務歷任州牧辦理均未能核實以致積欠纍纍解不足額現經該牧體察情勢擬請量予變通將第五屆以前實係貧疲逃亡無力繳捐閉歇者即將所執牙照查明追回繳銷開除察核情形係爲捐款起見自可照准惟須分別確查苟非實在無力之戶雖經閉歇仍應將以前欠款照數追納不得概令繳銷以重公款至第五屆捐項現既甫經開辦未繳者尙多應准展限一月統限於三月應一律催收報解毋再稍容延宕致誤要需仰卽遵照辦理勿違此批

裕甯官銀錢局 稟復督憲豫算案照部頒冊式酌擬辦法文

敬稟者竊奉鈞諭准河南撫院吳州電現辦豫算各署局均應照辦惟官銀錢局係營業性質明年入款不能豫先定數出款多寡視營業盛衰事務繁簡爲準亦難臆料豫算甚屬爲難若虛擬一數殊非核實之道亦不合豫算法理尊處如何辦理乞電示等因查甯省豫算現甫由局議行裕甯官銀錢局之預算冊尙無成法吳撫台所論極爲明密究竟此項豫算作何辦理方臻妥協抑竟不入豫算附案聲明飭局妥籌見復以便復電等因奉此伏查官銀錢局係營業性質與他局情形迥異來歲入款出款之多寡當視營業之盛衰爲準誠難豫計但現奉度支部頒發試辦宣統三年豫算總冊式例言第十五條內開京外各衙門應以前三年收支實數爲標準酌估豫算數目又歲入經常門第八類第五款註有官銀錢局收入又歲出第十四類第三款註有官銀錢局經費各等語是官銀錢局之歲入歲出既奉度支部列載

冊式自應以前三年收支實數酌量估計職局擬照宣統元年收支實數參酌目前情形豫計來歲數目

收入又歲出第十四類第三款註有官銀錢局經費各等語是官銀錢局之歲入歲出既奉度支部列載冊式自應以前三年收支實數酌量估計職局擬照宣統元年收支實數參酌目前情形預計來歲數目以總分局莊餘利爲歲入以薪工雜用及奉撥各款爲歲出所有歲入餘利沖除薪工雜用卽爲淨得盈餘之數按照職局議定新章作十三成攤派公積二成員司花紅四成優獎一成盈餘六成凡於六成盈餘內撥支各款擬分經常臨時兩門有定者爲經常無定者爲臨時其與官商往來各款均係隨時周轉並非實入實出豫算案內似可毋庸列入是否有當理合肅泐稟復仰祈鑒核訓示祇遵實爲公便

### 兩江禁煙公所

詳督憲裁撤本所差遣稽查官及撤換庶務科副並行各員知照文

詳請事宜統元年正月二十七日奉憲台札甯藩司詳裁併局所冗員酌限薪水兼差並請飭議局章兼節冗費一案札所遵照批示辦理等因奉此計摘抄清冊內開查兩江禁煙公所兼有驗捐所查驗之事甚爲複雜所設五科皆有應辦之事惟幫辦提調一員銷差之後未經派委應卽裁撤其差遣官九員應裁五員稽查官二員無事可辦應卽全裁庶務科副從不到差應卽以查驗所書記官改充仍兼查驗書記之事裁去書記薪水又禁制科事體極繁與調查科同調查科長二員科副二員禁制科長一員科副三員應以科副洪壽昌升充科長俾與調查科一律仍裁洪令驗捐所津貼則章程整畫而公事有裨計每年節省銀三千兩又前詳接辦牌照捐事每月約省銀一百兩合計每年節省銀四千二百兩等語自應遵議辦理查幫辦提調自韓守汝元銷差後本未派委遵當裁撤嗣後卽無庸添派其差遣官九員遵裁五員應留四員卽以原派之江廷璋謝輔堯鄧之秀重銖等四員留充惟原定章程差遣官本係分科



南洋五日官報  
派委現在僅留四員應請毋庸分科其餘原派差遣官施以鏞俞維清周之冕覺羅春泰褚德彜等五員應與稽查官宋學周王傳堯二員一併遵照裁撤庶務科副馬廷賡從不到差亦照司詳以查驗所書記官李希綱改充庶務科副仍兼查驗所書記之事裁去書記薪水至司詳原請以禁制科副洪壽昌升充科長俾與調查科一律惟現查產銷科長試用知縣吳本泖業已委署揚子縣缺遺差請卽以洪壽昌調充仍裁驗捐所津貼其禁制科長卽無庸另委以資節省計原詳每年共節省銀四千二百兩係屬約算現再裁減科長一員連前數核實計算每年共節省銀四千六百兩職所經費均係按月造銷不容浮濫現無冗費可裁惟委員既裁則火食亦減容於月報冊內核實扣除此外活支之費爲數甚微仍隨時力求撙節試辦一二月後如有可裁卽與所裁火食一併減領再職所一切章程及辦事規則均經詳定實行並無增改茲將刊本逐件檢呈嗣後如有修改之處再行隨時稟明辦理除裁汰各員由職所分別行知外其調充產銷科長候補知縣洪壽昌調充庶務科副優貢就職直州判李希綱二員應請憲台照案給札發交職所轉給委充薪水照章開支所有違札裁減緣由理合具文詳請憲台察核示遵

內兩江禁煙公所 批溧水縣游令稟請札委徐牧炯會辦溧邑禁煙事宜擬章請示由

據稟已悉該縣設立禁煙分所因無員紳可委請以指分江蘇試用知州徐炯爲幫辦溧邑土捐委員以資補助該牧既係願盡義務不支薪水具見熱心公益惟土捐名目與定章不符應派爲該縣禁煙分所

委員至各州縣帶辦之員向未由所選委仍卽由該令自行移委以免轉折附呈章程各節查第二條內稱該縣吸煙人數恐調查不實擬再澈查一次遇有遺漏或冒領牌照者准予換給補領自可照辦第四

委員至各州縣帶辦之員向未由所選委仍即由該令自行移委以免轉折附呈章程各節查第一條內稱該縣吸煙人數恐調查不實擬再澈查一次遇有遺漏或冒領牌照者准予換給補領自可照辦第四條內稱將零星膏店全行封閉以杜私賣燈吃等弊辦法亦合惟收捐一層擬參通州認捐辦法將土店分上中下三等責令按月繳捐查通州稟請認捐係在未經改章以前暫予通融辦理嗣因該州土商稟請援吸量遞減之例繳捐由州轉詳當即批令遵照土膏實銷數目收捐以杜私賣虛報現在牌照捐既改歸洋土藥一律並收較易著手仰再體察該縣情形斟酌妥協另稟察核餘如所擬章程辦理再牌照捐款該縣祇解至上年九月底止冬季三個月暨今春兩個月所收捐款應即彙解本公所核收勿延繳摺存

### 江南籌辦地方自治總局 札寶應縣查辦自治研究所盧壽熾等同爭位置一案文

札飭事據職員朱莘生報告稱寶應地處僻陋風氣未盡開通客臘由省研究所畢業學員方鶴齡等六人提倡組織設立地方自治研究所兼公推莘生爲名譽所長開具章程暨職員名單曾經由縣申報並荷批准開辦在案進行以來尙無差越奈有自費班自治學員盧壽熾郝寶第錢士楷等尙未畢業領憑於客臘回里時堅欲同辦當由莘生等辭以領憑之後再行位置並於本年正月十七日由籌備事務所開會經衆公決亦皆不直盧郝等之所爲不意盧壽熾恃伊父盧煥章爲籌備事務所所長竟置議決各件於不問仍由伊父朦稟縣主徑自支配莘生等因其徇私武斷實未便承認嗣於二月初七日開學郝寶第在講堂之上大肆辱詈任意衝突並向各學員設詞解散所有情形已由敝所呈縣有案再十一日

開課第一課法制大意係方鶴齡擔任正在給發講義之時突有華熙慶徑至講堂阻方上課幸衆學員同聲指斥華始下堂所有情形復由敝所呈縣有案近數日間敝所雖勉力進行但盧郝等諸人在外百般衝突聲稱不破壞研究所不止前途之危險實爲可慮尤異者敝所自開辦以至今日所有開支已達二百五十元有零公款止付一百千餘均出自籌墊屢次開具預算表往縣支領奈該籌備事務所所長盧煥章又因伊子尙無位置極力反對設詞延宕敝所前途之困難刻不可支竊思盧壽熾郝寶第錢士楷三人尙未畢業未便先爭位置且種種野蠻衝突似與自治名義不無妨碍且與憲政前途亦不無抵觸等情據此寶邑紳士辦事情形本局無從深悉惟籌辦自治事務既極繁重款項尤極艱難必須士紳協力同心方能有濟若復橫生枝節各顧其私不特實效難圖且於地方有害至盧壽熾等以爭研究所位置而出於野蠻舉動如果屬實尤屬不成事體夫各縣申送研究學生固爲歸辦研究所而設然斷非一經畢業卽享有必爲研究所職員之權試問畢業人員廣續不窮人遂其私款於何繼該學生盧壽熾等卽使已經畢業亦須由縣察看其人品學問足爲人師且須俟該縣研究所實係缺員方能加札派充據宋莘牛報告表該縣學額僅止四十名而職員占七人之多似已足敷辦公卽使經費有餘亦無竭澤而漁之理各州縣士紳於籌辦自治或擔任捐款或擔任義務不乏熱心毅力之人寶邑素號開通斷不致甘居人後仰該縣迅卽秉公確查辦理毋任該邑徒負籌辦之名而無其實也切切此札

# 增譯件雜記

譯巴黎時報西二月二十六號論說 (一爲達賴喇嘛潛遁事)

王慕陶

達賴喇嘛乃西藏教主爲佛教支派中國其上主國也近聞中國派兵二萬五千赴四川邊境直入西藏達賴喇嘛聞風先逃匿迹於英領印度此事至足驚異三年以來西藏問題寔難確定事變無常正未知所屆也偶一言及經營西藏皆以爲不出於英則出於俄從未有料及中華主國者故全球視線所注非在倫敦即在聖彼得堡在印英人久欲染指首先征服六七土司及至千八百九十年竟得中國認可占據西藏第司達流域千九百三年英政家居松更畫良策今雖未能寔行然當時已遣副將羊居司邦先以商權侵入繼而馬克多拏爾大將復以軍隊後援千九百四年九月兵臨拉薩彼時達賴不似今日之畏懼逃遁由其臣屬與英定約通商賠償兵費訂明以後西藏政府不得將其土地售租與他國並先行占領坎畢流域以爲保証

於俄國之一方面亦未肯坐視不問也雖其西伯利亞交境之地乃爲一片沙漠取道不易然至拉薩則不甚難於是乘宗教勢力予達賴以佛教主雙方教權分掌聖彼得堡及拉薩教務再三經營達賴遂派專使赴俄至黎瓦地亞地方至千九百年漸將西藏作爲其被保護國觀其政策據諸報告有足信者惟其結果將大不利於英領印度英之居松乃乘勢鼓吹亟宜征撫兼施侵入西藏方足以誘導守舊政府而收朗司登君前此佈置之良果雖然武力難以進取英人固久之故千九百六年之末司當達爾報

申言英國據千九百四年之約亟當經營其已得之利益於是按照英俄波斯協約劃分二國在藏勢力各守範圍夫爭端不息必生戰事戰事既起勝敗難決此英俄之樂平和了結之本意也於是英國遂棄居松之進取政策而俄人亦願不干涉西藏內政且共認中國爲西藏之上主國決議如此以爲更無意外之虞矣此時英俄兩國皆以中國無力布置西藏更向北京政府勸其考查藏中情形豈知中國政府計不出此乃直遣兵入藏意欲收服久經兩國所謂被保護國之喇嘛藏民而直隸其舊日統治權之下不亦出乎意料之外乎此事實非偶然自千九百八年達賴喇嘛入京朝見已與中國以種種特權而時受其監督又西藏大臣奏摺言對待西藏直可如日本之待高麗英國之待印度况三年以來北京政府已寔行殖民政策由四川至拉薩一帶尤其最注意者也總之中國此次舉動蓋如具翼雛鳥欲試飛騰中國帝國少年黨舉動能如是之卓絕此固非英俄帝國黨所能料及也千九百七年英俄以爲彼此各不壟斷利益遂足以解決西藏問題其認中國仍爲主國以爲不過名義上如是兩相退讓爲解紛之秘訣耳豈知中國既得兩國認可出而乘此退讓之際以輕快敏妙之手腕出之更以甲兵從事而盡收復其固有之主權新中國之足以使全歐注目而令執筆人留意者攘和德君已先我言之矣

### 錄川督趙次帥爲藏事來電

錄電悉達賴出走詳情已見十六

上諭至西藏用人行政其權向操於駐藏大臣達賴並非藏主其

責任祇在風聲所屆專管政務一切俗事概由官商真承辦大吏辦理是以此次達賴出走藏中僧俗均極安靜且藏人素性不喜多事而達賴自上年回藏查辦前次與英兵爭戰不力僧俗各衆從嚴懲罰

責任祇在風聲所逼專管政務一切俗事既由官商稟承駐藏大臣辦理是以此次達賴出走藏中僧俗不堪其擾雖勉強應命然見中國兵到均各散去故中國兵隊直主拉薩並未大有阻格中國實無爲難達賴之意而達賴自知調兵阻抗並焚燒官糧官衙係屬有罪之事深自疑懼雖駐藏大臣迭奉旨加以開導待以平和而彼心終不自安猝聞兵到連夜逃去及駐藏大臣遣人追勸而已不及中國此舉本爲藏地開埠藏人尙多不願深恐再起交涉無以敦中英睦誼故照約保護商埠以盡權責達賴私逃出境中國既將其名號革去藏中僧俗亦無異言商埠各地現經駐藏大臣極力保護以後藏印商務尤可益臻發達於中英續訂藏印條約改良西藏政治用意亦極相合請煩宣布以釋羣疑異叩

### 錄外務部爲藏事來電

申達賴回藏造言煽惑屢經駐藏大臣誠諭不聽中國爲保衛地方預備開埠由川督派兵二千前往以免再有不守條約之事此次兵紀甚嚴在川藏交界雖有土番阻擾迨入藏後僧俗歡迎正在布置達賴忽於正月初三日夜間逃出經降 旨飭令設法追回妥爲安置詎達賴已逃往哲孟雄並有前赴印度之說達賴屢次潛逃藏中頗不滿意中國維持黃教俯順藏情本日降 旨將達賴革去名號照黃教例另選喇嘛繼任已向英政府聲明中英關於藏約之事照舊履行今日路透報不確諒由達賴黨在印設立之西藏公會所捏造外十六日

正德三年春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

春正月... 命以廷議... 命以廷議... 命以廷議...

藝文存略

寒食寒甚

茶人

甌井深淘燧火新墻隅積雪尙嶙峋東風已漏棠梨信小雨將生杏子仁薄不勝寒青鼠  
襖久之得暖綠熊茵五侯不解新煙句恰有天書問舍人

清明後一日作

佳節清明連上巳積陰猶接苑牆雲雨聲甲夜還丁夜春色三分得二分帖出禊亭思定  
武詩吟熟食示宗文官身不入參寥夢自鬻新茸對寶薰

俞園看櫻花

耳聞櫻花三十年垂老得到櫻花前未到花前五十步光采已奪雲霞鮮花身高可九尺  
餘花靨剛如金盞圓連枝五樹挺青玉一跗數萼披紫緜側聞東瀛三四月繁英豔發紅  
欲然仰視層霄花爲天俯視百里花爲田兩旁澄碧羅帶水四圍青綠翠窻山處處行廚  
置蜜酪家家蹋歌嬌綺紈昇平氣象在夷裔蓬萊三島真神仙主人移花自東海植之寶



相茶藤間一年二年顏色好久之粉退紅亦蕙物亦猶人戀鄉土僑寄往往凋朱顏明妃  
度漠常不樂闕氏入漢多憂煎吾聞歐西少竹箭一竿可易雙金錢島居那得箕營谷海  
隴不宿瀟湘煙竹至歐櫻花信美族類別孤根客土難爲妍中華故是衆香國千紅萬紫  
嬌春暄明朝穀雨煮新茗更賦蓮鬚閣下黃牡丹園中牡丹將開

石甫書雲端州龍母廟木棉盛開古榕間之直以紅綠爲天地愛其發語奇麗以詩  
寫之

十里榕陰間木棉陸郎坐擁錦山川早開南海紅雲宴徐引端溪碧玉泉萬蝶羅浮成異  
彩九龍漢帳起春眠誰知忉利華鬢外別有緋霞綠綺天

再寄石甫

直將紅綠爲天地才語分明敵少年千騎上頭誇繡豸九州南盡起朱鳶花風度嶺催榆  
火林雨飄衣濕杏韉曾以綠章動龍母君有祭龍母文可無錦段報樊川

大漢清郵政局特准掛號立券之郵件

二下海王日官幸

本報五日一册每月報資大洋七角  
局設南京省城藩署後全福巷內